



PANDUAN HUKUM UJIAN SARINGAN DAN PROSEDUR RAWATAN PESAKIT COVID19 PADA BULAN RAMADHAN



Panduan ini bertujuan untuk menjadi panduan masyarakat Islam berkaitan Hukum Ujian Saringan dan Prosedur Rawatan Covid-19 pada Bulan Ramadhan



جَابَتَن كَمَا جَوَانِ اِسْلَامِ مَلِيْسِيَا
JABATAN KEMAJUAN ISLAM MALAYSIA




HUKUM UJIAN SARINGAN COVID-19 DI BULAN RAMADAN



NASOPHARYNGEAL

Alat swab akan dimasukkan ke dalam rongga hidung individu yang menjalani ujian saringan COVID-19 sehingga ke kawasan *nasopharynx* dengan kedalaman lebih kurang 4.8 cm bagi kanak-kanak dan 8-12 cm bagi orang dewasa untuk mengambil sampel mukus.



OROPHARYNGEAL SWAB

Alat swab akan dimasukkan ke dalam mulut hingga ke kawasan *oropharynx*, iaitu di belakang anak tekak bagi mengambil sampel mukus.

Alat pengambilan sampel



Prosedur saringan bagi mengesan penyakit Covid-19 adalah dengan mengambil sampel lendir (mukus) yang berada di dalam hidung sehingga ke kawasan *nasopharynx* (rongga hidung paling atas) dan rongga mulut hingga ke kawasan *oropharynx* (*anak tekak*) adalah **TIDAK MEMBATALKAN PUASA**. Ianya selaras dengan keputusan Jawatankuasa Muzakarah Kebangsaan MKI Kali Ke-87 pada 23 hingga 25 Jun 2009 yang telah memperakukan Panduan Berpuasa Bagi Pesakit.

HUKUM PUASA PESAKIT COVID-19 YANG SEDANG DIRAWAT

PESAKIT TAHAP 1

- Tidak bergejala – dalam pemantauan dan tiada ubat-ubatan
- Sekiranya mereka tidak mampu melaksanakan ibadah puasa, atau; atas nasihat para doktor Muslim yang merawat mereka, sekiranya mereka berpuasa boleh melambatkan kesembuhan atau akan memudaratkan lagi keadaan mereka, maka dalam keadaan ini mereka diharuskan untuk tidak berpuasa. Namun demikian, mereka wajib menggantikan puasa (qadha') puasa yang ditinggalkan.

PESAKIT TAHAP 2-5

- Pesakit positif COVID-19, yang memerlukan kepada pengambilan ubat-ubatan mereka diharuskan untuk tidak berpuasa.
- Namun demikian, mereka wajib menggantikan puasa (qadha') puasa yang ditinggalkan.